



DEPARTMENT OF
ENVIRONMENT AND
NATURAL RESOURCES

DEC 11 1991

ESPESYAL NA UTOS)
BILANG 1173 :
TAON NG 1991)

PAKSA : Ang Paghirang sa Lider-Magsasaka bilang
"Deputized Natural Resources and Environment
Officer" ng Kagawaran ng Kapaligiran at Likas na
Kayamanan .

Alinsunod sa pinaairal na Pampangulong Kautusan bilang
(P.D.) 704, 704, at 1181, kasama ng mga nabagong bahagi nito,
ang lider-magsasaka ng Amihan Teresa, Rizal na si
BELEN BANDINO ay hinihirang bilang "Deputized Environment
and Natural Resources Officer."

Sa pamamagitan ng paghirang na ito, si BELEN BANDINO ay
binibigyan ng mga sumusunod na kapangyarihan na maaari niyang
isagawa sa loob ng kanyang nasasakupan:

1. Magsiyasat ukol sa mga bagay-bagay na may kaugnayan sa mga paglabag sa mga batas/alituntunin na pinaairal ng Kagawaran ng Kalikasan at Likas na Kayamanan sa larangan ng pangingsda, panggungubat, at pangangalaga sa hangin at tubigan;
2. Umaresto ng mga tao na lumabag, kasalukuyang lumalabag at may balak na gumawa ng labag sa nabanggit na mga batas na kanyang makikita; ito ay maaaring isagawa nang walang kasulatan sa pag-aresto at ayon sa nasasaad sa PD bilang 704, 705 at PD 11;
3. Magkumpiska ng:
 - (a) mga kagamitan/sasakyan at tulad nito na ginamit sa paglabag sa nabanggit na mga batas/ alituntunin; at
 - (b) mga yamang gubat, dagat/tubig na kinuha at dinala ng mga lumabag sa mga batas/alituntunin na pinaairal ng DENR.
4. Magbigay katunayan sa mga salaysay ukol sa mga opisyal na mga bagay na may kaugnayan sa mga tungkulin ng DENR; at
5. Kumuha ng mga pinangakuang salaysay o "sworn statement" sa mga opisyal na pagsisiyasat sa ilalim ng mga nabanggit na batas/alituntunin.

Sa lahat ng ito, ang hinihirang na "Deputized Environment and Natural Resources Officer" ay inaatasang isakatuparan ang mga sumusunod:

1. Dalhin lahat ng mga nakumpiska, kasama ang mga taong gumawa ng paglabag sa batas/alituntunin, sa loob ng itinakdang panahon ng batas;
2. Gumawa ng nararapat na hakbang upang ang kinakailangang panimulang pagsisiyasat ay maisagawa ng mga taong inatasan ng batas ;
3. Ipagbigay-alam sa hukuman ang lahat na mga mahahalagang impormasyon ukol sa mga nagawang hakbang sa pamamagitan ng RED/PENRO/CENRO, na nakakasakop sa kanya bilang "Deputized Environment and Natural Resources Officer"; at
4. Magpadala ng buwanang ulat sa RED sa pamamagitan ng nabanggit na CENRO/PENRO tungkol sa lahat ng mga kaso na kanyang nahawakan alinsunod sa kaatasang ito.

Ang paghirang na ito ay magkakabisa ngayong ika- 11 ng Disyembre 1991 at hindi lalampas sa ika-30 ng Hunyo 1992.

Ang kaatasang ito ay maaaring mapawalang-bisa bago pa man sa itinakdang panahon batay sa mga batas/alituntunin na pinairal ng Kagawaran ng Kalikasan at Likas na Kayamanan sa bagay na ito.



DELFIN J. GANAPIN, JR.
OIC, Undersecretary
Office of the Undersecretary
for Environment and Research